

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

OGASUN, FINANTZA ETA AURREKONTU SAILA

Foru Gobernu Kontseiluaren 27/2019 Foru Dekretua, maiatzaren 7koa. Onestea interes orokorreko 2019rako xedeen eremuko lehentasunezko mezenasgo jardueren edo programen zerrenda, bat etorritik irabazteko xederik gabeko erakundeen zerga araubidearen eta mezenasgorako zerga pizgarrien uztailaren 12ko 16/2004 Foru Arauak ezarritakoarekin

Irabazteko xederik gabeko erakundeen zerga araubidearen eta mezenasgorako zerga pizgarrien uztailaren 12ko 16/2004 Foru Arauak arautzen du nola parte hartu behar duen sektore pribatuak lehentasunezko mezenasgo jarduerak eta programak finantzatzen.

Hain zuzen ere, foru arau horren 29. artikulua 1. apartatuak dio Arabako Foru Aldundiak zehaztuko duela ekitaldi bakoitzeko lehentasunezko mezenasgo jardueren edo programen zerrenda, foru arau horretan bertan aipatzen diren interes orokorreko helburuen eremuan. Horrenbestez, beharrezkoa da foru dekretu hau onestea.

29.1 artikulua arabera, lehentasunezko mezenasgo jardueretarako eta programetarako izendatzen diren diru zenbatekoek araubide berezi bat dute. Diru zenbateko horiek garbiak eta soilak izan behar dira; ezin dute eduki inolako kontraprestaziorik. Araubide berezi hori honetan datza, laburbilduta:

a) Lehentasunezkotzat jo diren jarduera edo programetarako diru zenbatekoak gastu kengarri izango dira sozietateen gaineko zergaren oinarria eta establezimendu iraunkorraren bidez jarduten duten ez-egoiliarren errentaren gaineko zergaren oinarria zehazterakoan; enpresarientzat eta profesionalentzat, berriz, pertsona fisikoen errentaren gaineko zergaren zuzeneko zenbatespenaren araubidean.

b) Sozietateen gaineko zergaren edo establezimendu iraunkorraren bidez jarduten duten ez-egoiliarren errentaren gaineko zergaren subjektu pasiboek kendu egin dezakete zehaztutako kuota likidotik lehentasunezkotzat jotako jarduera edo programetarako diru zenbatekoaren ehuneko 18 (kuota likidoa lortzen da, hain zuzen, kuota osoari zergapetze bikoitzari dagozkion zenbatekoak eta, hala balegokio, hobariak kenduta), publizitate babeserako kontratuak direla-eta emandako diru zenbatekoak ere barne direla.

c) Pertsona fisikoen errentaren gaineko zergaren subjektu pasiboek, zuzeneko zenbatespenaren pean gauzatzen badituzte ekonomia jarduerak, kendu egin dezakete kuota osotik lehentasunezkotzat jotako jarduera edo programetarako diru zenbatekoaren ehuneko 18, publizitate babeserako kontratuak direla-eta emandako diruak ere barne direla.

d) Pertsona fisikoen errentaren gaineko zergaren gainerako subjektu pasibo lehen aipatutakoez bestekoek kendu egin ditzakete kuota osotik lehentasunezkotzat jotako jarduera edo programetarako diru zenbatekoaren ehuneko 30.

Hortaz, foru dekretu honen xedea da zehaztea 2019ko ekitaldirako zer jarduera edo programa izango diren lehentasunezkoak, bai eta zer baldintza eta prozedura ezarriko diren zenbait jarduera lehentasunezkotzat izendatzeko, guztia ere irabazteko xederik gabeko erakundeen zerga araubidearen eta mezenasgorako zerga pizgarrien foru arauak 29. artikuluan xedatutakoaren ondorioetarako (16/2004 Foru Araua, uztailaren 12koa).

Arabako Foru Administrazioaren Aholku Batzordearen Arautegi Organikoak 3. artikulua hiru garren paragrafoan xedatutakoaren arabera, batzorde horren txostena ez da aginduzkoa.

Ikusi da Zerga Araudiaren Zerbitzuak horren harira egindako txostena.

Horregatik, Ogasun, Finantza eta Aurrekontu Saileko foru diputatuak proposatuta, eta Foru Gobernuaren Kontseiluak gaur bertan egindako bilkuran gaia aztertu ondoren, honako hau

XEDATZEN DUT

1. artikulua. Xedea

Foru dekretu honen xede da garatzea irabazteko xederik gabeko erakundeen zerga araubidearen eta mezenasgorako zerga pizgarrien foru arauaren 29. artikulua (16/2004 Foru Araua, uztailaren 12koa).

2. artikulua. 2019rako lehentasunezko jardueren zerrenda

Bat. Ondoko jarduera edo programa hauek izango dira lehentasunezkoak 2019ko ekitaldian, irabazteko xederik gabeko erakundeen zerga araubidearen eta mezenasgorako zerga pizgarrien foru arauaren 29. artikulua onorioetarako (16/2004 Foru Araua, uztailaren 12koa):

a) Gizarte zerbitzuen eremuan:

Gizarte zerbitzuen arloko jarduerak gauzatzen dituzten gizarte izaerako entitate onura publikokotzat jotakoei emandako diru zenbatekoak.

Ondorio horietarako, lehentasuneko jarduerak izango dira soilik hauek:

1. AFADES Alzheimerria edo demenzia senila dutenen senideen Arabako elkarteak.
- Arabak, Down Syndromea dutenen Isabel Orbe elkarteak.
- “HOGAR ALAVÉS” Ongintza eta Kultura Elkarteak.
4. ASPANAFOA - Haur Onkohematologikoen Gurasoen eta Gaitza dutenen Elkarteak.
5. Arabako Hiesaren aurkako Hiritarren Batzordeak.
6. Adimen desgaitasunen bat duten Pertsonen aldeko Arabako Elkarteak.
7. ATECE Hartutako Burmuineko Gaitzaren Elkarteak
8. Usoa Tutoretza Fundazioak.
9. Lankidetzarako ingeniariak –Elkarteak.
10. Gasteizko “Arabako Elikagai Bankua” elikagaiak eralgitzearen aurkako Gasteizko Elkarteak.
11. Espainiako Gurutze Gorria, Arabako lurralde historikoan garatu dituen jarduerengatik.
12. Gasteizko Elizbarrutiko Caritas, Arabako lurralde historikoan garatu dituen jarduerengatik.
13. Atalaxia-telangiektasia familiarren Espainiako Elkarteak, Arabako lurralde historikoan garatu dituen jarduerengatik, Gasteizen egiten den Aitzina Folk Festival jaialdi solidarioa barne.
14. Aspace Araba, elbarritasun zerebralaren eta antzeko gaitzen elkarteak.
15. “Itxaropena” Ikusmen urriko pertsonen Arabako elkarteak.
16. Doble Sonrisa Fundazioak.

b) Ingurumenaren eremuan:

1. Arabako babestutako naturaguneetako ingurumena berreskuratzeko, onik zaintzeko, ikertzeko eta zabaltzeko programetarako Arabako Foru Aldundiari emandako diru zenbatekoak.

2. Arabako Lurralde Historikoko foru bizikleta bideak eraiki, hobetu eta onik zaintzeko obrak finantzatzeko Arabako Foru Aldundiari emandako diru zenbatekoak.

3. Arabako Ibilbide Berdeen Sarea eraiki, hobetu, onik zaindu, sustatu eta zabaltzeko Arabako Foru Aldundiari emandako diru zenbatekoak.

4. Arabako Foru Aldundia, Arabako ingurumenaren osotasun ekologikoa leheneratzeari dagokionez.

c) Garapen teknologikoaren eremuan:

Ikerketa, garapen edo berrikuntza jarduerak gauzatzen dituzten pertsona eta erakundeei emandako diru zenbatekoak.

Ondorio horietarako, lehentasuneko jarduera izango da soilik Eduardo Anitua Fundazioa.

d) Kulturaren eremuan:

1. Arabako Artium Fundazioa.

2. Santa Maria Katedrala Fundazioa.

3. Gasteizko Jazzaldia Elkarte.

4. Gasteizko Arte eta Lanbide Eskola.

5. Gasteizko Arte Sakratuaren Museoa.

6. Iruña Veleiaren eta Arkaiako erromatar termen arkeologia proiektuak gauzatzeko EHUri emandako diru zenbatekoak.

7. Artziniegako Etnografia Museoa.

8. Euskaltzaindia.

9. Euskalerrriaren Adiskideen Elkarte.

10. Eusko Ikaskuntza.

11. Kultura intereseko jarduerak, eta bai ere Arabako Foru Aldundiaren, toki erakundeen, udalen eta kuadrillen jabetzako ondasun kalindeen, udalen eta kuadrillen jabetzako ondasun kalifikatu eta inbentariatu kultura interesekotzat jotakoak zaharberritzeko eta/edo birgaitzeko jarduerak egiteko Arabako Foru Aldundiari emandako diru zenbatekoak.

12. Añanako Gatz Harana Fundazioa.

13. Gasteizko Urrutiko Hezkuntzarako Unibertsitate Nazionalako Gune Elkartua.

14. Azkena Rock Festival sustatu eta antolatzeko ARF Vitoria-Gasteiz SL enpresari emandako diru zenbatekoak.

15. Gasteizko Telebista eta Irrati jaialdia - FesTVal sustatu eta antolatzeko Fila 2 kultura elkarteari emandako diru zenbatekoak.

16. Asparreneko Umore Antzerkiaren XXVI. Jaialdia antolatzeko Asparreneko Udalarari emandako diru zenbatekoak.

17. Arte eszenikoekin loturiko jarduerak sustatu eta antolatzeko Arabako Foru Aldundiari emandako diru zenbatekoak.

18. Gasteiz Hiri Napoleonikoen Europar Federazioan sartzearen ondorioz egiten diren jardunetarako Gasteizko Udalarari emandako diru zenbatekoak.

19. "Pinturas para la vida" horma pinturak sustatzeko, Ormandetxa Elkarteari emandako zenbatekoak.

20. Añanako kuadrilla, Micaela Portilla lantegi eskola dela-eta.

21. Arabako Foru Aldundia, Arabako lurralde historikoko agiritegian dauden agiri historikoen artxibatzea dela-eta.

22. Arabako Foru Aldundia, Santa Katalina Lorategi Botanikoaren berreskuratzea, hobetzea, zaintza, sustapena eta hedapena dela eta.

23. AAVOZ-Opera eta Zarzuelaren Araba eta Gasteizko Lagunen Kultura Elkarte.

24. Sancho el Sabio Fundazioa.

e) Kirolaren eremuan:

1. 5+11 Fundazioa.

2. Kirolaraba Fundazioa

3. Gasteizko Martín Fiz Nazioarteko Maratoia egiteko Maratlón Kultura eta Kirol Elkarteari emandako diru zenbatekoak.

4. Arabako lurralde historikoa ordezkatzeko duten kirol entitate nazioartean jarduten dutenei emandako diru zenbatekoak. Ondorio horietarako, lehentasuneko jarduera izango da soilik Saski Baskonia SAD.

5. Arabako Foru Aldundia, Izki Golf gunearen barruan dagoen Urturi golf zelaian lehiaketak egiteko emandako zenbatekoengatik.

6. Zuzenak kirol kluba.

7. Zuzenak Fundazioa.

8. Araberri Basket Club-i emandako diru zenbatekoak, gizarteratzeko kirol jarduerak egiteko.

f) Enpresen gizarte erantzukizunaren eremuan:

1. San Prudencio Lan Fundazioa.

2. Arabako Enpresen Gizarte Erantzukizunerako Foroa (FOARSE) Elkarte.

g) Gizarte eremuan:

1. Fernando Buesa Fundazioa.

2. Saharako Arabiar Errepublikako Demokratikoaren (SAED) Adiskideen Arabako Elkarte

h) Euskara sustatzearen eremuan.

1. Araba Euskaraz 2019 ekitaldiaren entitate antolatzaileari emandako diru zenbatekoak.

2. Errioxa Kultur-Elkarteari emandako diru zenbatekoak.

i) Interes orokorreko bestelako helburuetako eremuan:

1. Euskampus proiekturako Euskal Herriko Unibertsitateari emandako diru zenbatekoak.

2. Abastos Fundazioari emandako diru zenbatekoak.

3. Vital Fundazioari jarduera hauetarako emandako zenbatekoak: Vital Fundazio Aretoko erakusketak, Astearte Musikalak, Euskal Zinearen Astea, Jaibus Bital, Vital por Álava programa eta Araba Ekintzailea: Enpresa lasterketa.

4. Tubacex Fundazioari emandako diru zenbatekoak.

5. Diocesanitas-Jesus Obrero Fundazioari emandako zenbatekoak.

6. Gasteizko Argiztapen Jaialdirako ARGIA_3 kultura elkarteari emandako zenbatekoak.

7. Formula Student Vitoria-FSV ikasle elkarteari emandako zenbatekoak, Formula Student txapelketan parte hartzeko.

Bi. Era berean, lehentasunezkoak dira estatuko eta lurralde historikoetako organo eskudunek halakotzat jotako jarduerak, betiere, batak zein besteak onartutako araudiaren arabera, elkarri hala aitortzen badizkiote Arabako Foru Aldundiak foru dekretu honetan onartutako jarduerak.

3. artikulua. Lehenasunezko jarduerak kirol arloan

Foru dekretu honen 2. artikuluan kirol esparruan lehenasunezko zatiz izendatutako jardueraz gain, Arabako Lurralde Historikoko emakumezkoen kirol talde eta atalei emandako diru zenbatekoak, bai eta Arabako Lurralde Historikoan garatutako kirol jarduera eta lehiaketei emandakoak ere, baldin eta haietan emakumeak badira protagonista edo emakumeen parte hartzea eta genero estereotipoak apurtzea eta emakumezkoen ezagutza soziala sustatzen badute berariaz. Hau da, jarduera horiek guztiak lehenasunezko jarduera izango dira kirol esparruan, baldin eta Arabako Foru Aldundiko Euskara, Kultura eta Kirol Sailak ezarritako baldintzak betetzen badituzte.

4. artikulua. Kirol esparruko lehenasunezko jarduera dela aitortzeko prozedura

Aurreko artikuluan xedatutako ondorioetarako, 2019ko ekitaldian, kirol esparruan beren jarduerak lehenasunezkoak izan daitezten interesa duten pertsona fisikoek eta juridikoek 2019ko abenduaren 1a baino lehen eskatuko diote Arabako Foru Aldundiko Euskara, Kultura eta Kirol Sailari. Eskararekin batera, lehenasunezko jarduera gauzatzen duen erakundearen proiektua ere aurkeztuko da, alegia, lehenasunezko jarduera izan dadila eskatzen duen erakundearena, eta proiektu horrek, besteak beste, diru sarreraren eta gastuen aurreikuspen bat jasoko du.

Euskara, Kultura eta Kirol Saileko foru diputatuaren foru agindu bidez aitortuko zaio lehenasuna jarduera bati kirol esparruan. Horretarako, ezinbestekoa izango da aurreko paragrafoan aipatzen den eskaera aurkeztea eta, foru dekretu honetan ezarritako betebeharrak ez ezik, Arabako Foru Aldundiko Euskara, Kultura eta Kirol Sailak 3. artikuluan xedatutakoaren arabera ezarritako betebeharrak betetzea.

Ezer ebatzi aurretik, espediente Arabako Foru Aldundiko Ogasun, Finantza eta Aurrekontu Sailari bidaliko zaio.

5. artikulua. Ziurtagiria

Irabazteko xederik gabeko erakundearen zerga araubidearen eta mezenasgorako zerga pizgarrien Foru Arauak 29. artikuluan jasotako zerga onurak aplikatu ahal izateko (16/2004 Foru Araua, uztailaren 12koa), beharrezkoa izango da zergapekoek, zergaren autolikidazioaz gainera, ziurtagiria aurkeztea kenkaria sortu duten diru zenbatekoak lehenasunezko jarduera edo programetarako erabili direla frogatzeko.

Ziurtagiri hori zergapekoek emandako zenbatekoak jasoko dituzten entitateek berek eman beharrezkoa da.

Aurreko 2. artikuluan Bat apartatuaren b) letraren 1., 2., 3. eta 4. puntuetako kasuetan, Arabako Foru Aldundiko Ingurumen eta Hirigintza Zuzendaritzak eman behar du artikuluan honetako lehen bi paragrafoetan aipatzen den ziurtagiria.

Arabako Foru Aldundiko Euskara, Kultura eta Kirol Zuzendaritzak eman behar du artikuluan honen lehen bi paragrafoetan aipatzen den ziurtagiria, 2. artikuluan lehenengo apartatuaren d) letraren 11., 17, 21. eta 22. puntuetako eta 2. artikuluan lehenengo apartatuaren e) letraren 5. puntuko kasuetan.

6. artikulua. Zerga pizgarriei jarritako mugak

Dagokion programa edo jarduera garatu eta egiteko beharrezko inbertsioen eta gastuen batura egindako ekarpena baino txikiagoa denean baino ez dira aplikatuko irabazi asmorik gabeko erakundearen eta mezenasgorako zerga pizgarrien zerga araubidean xedatutako zerga pizgarriak artikuluan 29 de la Norma Foral 16/2004, de 12 de julio

Muga hori gairiduz gero, ekarpen zaharrenei aplikatuko zaie zerga pizgarria.

7. artikulua. Foru dekretu honetan jasotako erakundeek emandako ondasunak eta eskaintako zerbitzuak baztertzea

Ez zaie inondik inora irabazi asmorik gabeko erakundeen eta mezenazgorako zerga pizgarrien zerga araubidean xedatutako zerga pizgarriak artículo 29 de la Norma Foral 16/2004, de 12 de julio, aplikatuko foru dekretu honetan lehentasunezko izendatzen diren jardueren erakunde egileek eskaintako zerbitzuengatik edo emandako ondasunengatik egindako kontraprestazioei.

XEDAPEN GEHIGARRI BAKARRA

Foru dekretu honen 3. eta 4. artikuluetan xedatutakoetarako, jarduera hauek lehentasunezkoak izango dira 2019. urtean ere: Araski Elkartek eta Gaztedi errugbi klubak egindako kirol jarduerak; izan ere, Arabako Foru Aldundiko Euskara, Kultura eta Kirol saileko foru diputatuaren abenduaren 9ko 239/2015 Foru Aginduaren bidez eta abenduaren 15ko 242/2015 Foru Aginduaren bidez 2015. urterako aintzatetsitako kirol entitateak dira.

AZKEN XEDAPENAK

Lehena. Arauak emateko gaikuntza.

Ogasun, Finantza eta Aurrekontu Saileko foru diputatuari ahalmena ematen zaio foru dekretu hau aplikatzeko eta garatzeko beharrezkoak diren xedapen guztiak emateko.

Bigarrena. Indarrean sartzea.

Foru dekretu hau ALHAOn argitaratzen den egunean bertan jarriko da indarrean, eta 2019. urterako izango ditu ondorioak.

Gasteiz, 2019ko maiatzaren 7a

Diputatu nagusia

RAMIRO GONZÁLEZ VICENTE

Ogasun, Finantza eta Aurrekontu Saileko foru diputatua

JOSÉ LUIS CIMIANO RUIZ

Ogasun zuzendaria

TERESA VIGURI MARTÍNEZ